

慈航無極寶懺原序

三代以前有經無懺所最著者道德五千言而已降及後世渾
噩日忘澆風日熾卽有經典無以濟之遂有懺之一說懺也者
所以懺罪也亦以補經之不及也惜當世罔知懺罪反緣爲求
福計或謀利或希名私心滔滔異端叢起其不落於旁門左道
也蓋已鮮矣故信釋崇玄輩每多不振雖日事禮拜而破敗相
隨屬斯亦大可悲痛豈懺之無補於人世歟抑彼蒼上帝竟不
鑒臨乃心歟蓋先天之道心與道合後天之道道與心通若徒
誦諸口而不會諸心此直道之姦賊耳至於市井庸劣謬稱法
師倡作渺茫邪說輾轉傳授非但自愚且以愚人遂使凡氓之
道藏輯要

呂帝文集

三

壺集五

心汨而莫挽仙聖之道晦而不彰名曰懺罪適以獲罪名曰補
經之不及實以毀經之成功不亦謬哉不亦謬哉適因紫陽仙
子纂慈航無極寶懺成請序於予予懼世之不察也爰述數言
弁夫懺首